

## OFFERYNNAU STATUDOL CYMRU

# 2018 No. 191

## Rheoliadau Addysg (Cymorth i Fyfyrrwyr) (Cymru) 2018

### RHAN 13

#### TALIADAU, GORDALIADAU AC ADENNILL

##### PENNOD 1

#### TALIAD YN DILYN PENDERFYNIAD DROS DRO

##### Taliad ar sail asesiad dros dro

**82.** Pan fo Gweinidogion Cymru yn gwneud penderfyniad dros dro ar gais o dan reoliad 32, caiff Gweinidogion Cymru wneud taliad sy'n seiliedig ar y penderfyniad hwnnw.

##### Gwybodaeth Cychwyn

**11** Rhl. 82 mewn grym ar 12.3.2018, gweler [rhl. 1\(2\)](#)

##### PENNOD 2

#### TALU BENTHYCIAD AT FFIOEDD DYSGU

##### Talu benthyciad at ffioedd dysgu

**83.**—(1) Pan fo benthyciad at ffioedd dysgu yn daladwy i fyfyrwr cymwys, rhaid i Weinidogion Cymru dalu'r swm hwnnw i'r awdurdod academiaidd y mae'r myfyrwr yn atebol i wneud taliad iddo.

(2) Caiff Gweinidogion Cymru dalu'r swm hwnnw mewn rhandaliadau neu mewn un cyfandaliad.

##### Gwybodaeth Cychwyn

**12** Rhl. 83 mewn grym ar 12.3.2018, gweler [rhl. 1\(2\)](#)

##### Gofynion ar gyfer talu'r benthyciad at ffioedd dysgu

**84.**—(1) Ni chaiff Gweinidogion Cymru wneud unrhyw daliad o dan reoliad 83 oni bai eu bod wedi cael gan yr awdurdod academiaidd—

- cais am daliad mewn cysylltiad â'r myfyrwr cymwys, a
- cadarnhad ysgrifenedig bod y myfyrwr yn ymgymryd â'r cwrs dynodedig.

(2) Rhaid i'r cadarnhad y cyfeirir ato ym mharagraff (1)(b)—

- mewn perthynas â'r taliad cyntaf (neu'r unig daliad) mewn cysylltiad â'r cwrs, gadarnhau bod y myfyrwr wedi ymrestru ar y cwrs presennol ac wedi dechrau ymgymryd ag ef;

*Statws Golwg cyfnod mewn amser fel yr oedd ar 24/07/2022.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau. (See end of Document for details)*

- (b) mewn perthynas ag unrhyw daliadau dilynol mewn cysylltiad â'r cwrs, gadarnhau bod y myfyriwr yn parhau i fod wedi ymrestru ar y cwrs ac yn parhau i ymgymryd â'r cwrs.

#### Gwybodaeth Cychwyn

**I3** Rhl. 84 mewn grym ar 12.3.2018, gweler **rhl. 1(2)**

### PENNOD 3

#### TALU BETHYCIADAU CYNHALIAETH A GRANTIAU

##### Talu benthyciadau cynhaliaeth a grantiau

**85.**—(1) Rhaid i Weinidogion Cymru dalu swm y benthyciad cynhaliaeth neu'r grant i fyfyriwr cymwys pan fo'n daladwy i'r myfyriwr.

(2) Caiff Gweinidogion Cymru dalu'r swm hwnnw mewn rhandaliadau neu mewn un cyfandaliad.

(3) Yn ddarostyngedig i [<sup>F1</sup>baragraff (5)], mae grant yn daladwy mewn cysylltiad â phedwar chwarter y flwyddyn academaidd.

<sup>F2</sup>(4) .....

(5) Mae grant at deithio sy'n daladwy o dan reoliad 66 yn daladwy mewn cysylltiad â phob un o'r chwarteri cymhwysol (o fewn ystyr y rheoliad hwnnw).

(6) Mae benthyciad cynhaliaeth yn daladwy mewn cysylltiad â thri chwarter y flwyddyn academaidd.

(7) Nid yw unrhyw fenthyciad cynhaliaeth yn daladwy—

- (a) yn achos cwrs gradd cywasgedig, mewn cysylltiad â'r chwarter a enwir gan Weinidogion Cymru;
- (b) mewn unrhyw achos arall, mewn cysylltiad â'r chwarter y mae'r hwyaf o unrhyw wyliau yn digwydd ynddo.

#### Diwygiadau Testunol

**F1** Geiriau yn **rhl. 85(3)** wedi eu hamnewid (gyda chais yn unol â rhl. 1(2) o'r O.S diwygio) gan Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 10(a)**

**F2** Rhl. 85(4) wedi ei hepgor (gyda chais yn unol â rhl. 1(2) o'r O.S. diwygio) yn rhinwedd Rheoliadau Addysg (Cymorth i Fyfyrrwyr) (Diwygiadau Amrywiol) (Cymru) 2021 (O.S. 2021/73), **rhl. 10(b)**

#### Gwybodaeth Cychwyn

**I4** Rhl. 85 mewn grym ar 12.3.2018, gweler **rhl. 1(2)**

##### Myfyrrwyr sy'n byw mewn mwy nag un lleoliad

**86.**—(1) Rhaid i Weinidogion Cymru benderfynu ar y lleoliad y mae myfyriwr cymwys yn byw ynddo yn ystod pob chwarter y mae grant cynhaliaeth neu fenthyciad cynhaliaeth yn daladwy i'r myfyriwr mewn cysylltiad ag ef (gweler paragraff 3 o Atodlen 1).

(2) Pan fo myfyriwr cymwys yn byw mewn mwy nag un categori o leoliad yn ystod chwarter, mae'r myfyriwr cymwys yn cael ei drin fel pe bai'n byw yn y lleoliad y mae'n byw ynddo am y cyfnod hwyaf.

(3) Pan fo myfyriwr cymwys yn byw mewn mwy nag un categori o leoliad am gyfnod cyfartal yn ystod chwarter, mae'r myfyriwr cymwys yn cael ei drin fel pe bai'n byw yn y lleoliad y mae'r gyfradd uchaf o fenthyciad cynhaliath neu grant cynhaliath yn daladwy mewn perthynas ag ef.

#### **Gwybodaeth Cychwyn**

**I5** Rhl. 86 mewn grym ar 12.3.2018, gweler [rhl. 1\(2\)](#)

#### **Cadarnhad o bresenoldeb**

**87.**—(1) Ni chaiff Gweinidogion Cymru wneud unrhyw daliad o dan reoliad 85 oni bai eu bod wedi cael cadarnhad ysgrifenedig gan yr awdurdod academiaidd bod y myfyriwr yn ymgymryd â'r cwrs dynodedig ar gyfer y flwyddyn academiaidd.

(2) Rhaid i'r cadarnhad y cyfeirir ato ym mharagraff (1) fod yn gadarnhad—

(a) bod y myfyriwr cymwys wedi ymrestru ar y cwrs ar gyfer y flwyddyn academiaidd, mewn achos pan fo'r myfyriwr yn gwneud cais am gymorth mewn cysylltiad â'r cwrs—

(i) ac eithrio am y tro cyntaf,

(ii) am y tro cyntaf os yw statws y myfyriwr fel myfyriwr cymwys wedi cael ei drosglwyddo i'r cwrs o gwrs dynodedig arall yn yr un sefydliad, neu

(iii) am y tro cyntaf os oes gan y myfyriwr anabledd, neu

(b) bod y myfyriwr cymwys wedi ymrestru ar gyfer y flwyddyn academiaidd ac wedi dechrau ymgymryd â'r cwrs, mewn achos—

(i) pan fo'r myfyriwr yn gwneud cais am gymorth mewn cysylltiad â'r cwrs am y tro cyntaf, a

(ii) pan na fo'r myfyriwr wedi trosglwyddo i'r cwrs o gwrs dynodedig arall yn yr un sefydliad.

(3) Ond caniateir gwneud taliad cyn i Weinidogion Cymru gael y cadarnhad y cyfeirir ato ym mharagraff (1)—

(a) os yw'r taliad yn swm o grant myfyriwr anabl, neu

(b) os yw Gweinidogion Cymru yn meddwl ei bod yn briodol gwneud hynny oherwydd amgylchiadau eithriadol.

#### **Gwybodaeth Cychwyn**

**I6** Rhl. 87 mewn grym ar 12.3.2018, gweler [rhl. 1\(2\)](#)

#### **Penderfynu ar y swm sy'n daladwy ar ôl i daliad gael ei wneud**

**88.**—(1) Mae'r rheoliad hwn yn gymwys pan fo Gweinidogion Cymru yn gwneud penderfyniad ar swm unrhyw fenthyciad cynhaliath neu grant sy'n daladwy i fyfyriwr cymwys (boed hynny o ganlyniad i ddiwygio penderfyniad dros dro neu fel arall) ar ôl i daliad o unrhyw swm o'r benthyciad cynhaliath neu'r grant gael ei wneud.

(2) Os yw'r penderfyniad yn cynyddu swm y benthyciad neu'r grant sy'n daladwy, rhaid i Weinidogion Cymru dalu'r swm ychwanegol yn y rhandaliadau hynny, neu mewn un cyfandaliad, y maent yn meddwl ei bod yn briodol.

(3) Os yw'r penderfyniad yn gostwng swm unrhyw grant sy'n daladwy—

(a) didynnir swm y gostyngiad o weddill y grant sydd eto i gael ei dalu;

*Statws Golwg cyfnod mewn amser fel yr oedd ar 24/07/2022.*

*Newidiadau i ddeddfwriaeth: Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tim yn ymddangos yn y cynnwys a chyfeirir atynt gydag anodiadau. (See end of Document for details)*

- (b) os yw'r gostyngiad yn fwy na gweddill y grant hwnnw sydd eto i gael ei dalu—
- (i) gostyngir gweddill y swm hwnnw sydd eto i gael ei dalu i ddim,
  - (ii) mae gweddill y gostyngiad, os oes un, i'w ddidynnu o weddill unrhyw grant arall sydd eto i gael ei dalu, a
  - (iii) os oes unrhyw swm o'r gostyngiad sy'n weddill o hyd, mae i'w drin fel gordaliad.
- (4) Os yw'r penderfyniad yn gostwng swm unrhyw fenthyciad cynhaliaeth sy'n daladwy (“y cyfanswm newydd sy'n daladwy”)—
- (a) pan fo'r cyfanswm newydd sy'n daladwy yn fwy na swm y benthyciad cynhaliaeth y mae'r myfyriwr wedi gwneud cais amdano, mae unrhyw swm ychwanegol y caiff y myfyriwr wneud cais amdano wedi ei ostwng yn unol â hynny;
  - (b) pan fo'r cyfanswm newydd sy'n daladwy yn llai na'r swm y mae'r myfyriwr wedi gwneud cais amdano, ni chaiff y myfyriwr wneud cais am unrhyw swm ychwanegol o fenthyciad cynhaliaeth;
  - (c) pan fo'r cyfanswm newydd sy'n daladwy yn llai na gweddill y benthyciad cynhaliaeth sydd eto i gael ei dalu—
    - (i) gostyngir gweddill y swm sydd eto i gael ei dalu i ddim, a
    - (ii) mae'r rhan honno o'r swm sydd eisoes wedi cael ei dalu sy'n fwy na'r cyfanswm newydd sy'n daladwy, os oes un, i'w thrin fel gordaliad.

#### Gwybodaeth Cychwyn

**I7** Rhl. 88 mewn grym ar 12.3.2018, gweler [rhl. 1\(2\)](#)

## PENNOD 4

### GORDALIADAU AC ADENNILL

#### Gordaliadau – cyffredinol

**89.**—(1) Caiff Gweinidogion Cymru adennill unrhyw ordaliad o fenthyciad at ffioedd dysgu oddi wrth yr awdurdod academaidd.

(2) Pan fo myfyriwr cymwys wedi cael swm unrhyw fenthyciad cynhaliaeth neu grant sy'n fwy na'r swm y mae gan y myfyriwr hawlogaeth i'w gael o dan y Rheoliadau hyn, rhaid i'r myfyriwr ad-dalu'r swm dros ben os yw Gweinidogion Cymru yn ei gwneud yn ofynnol iddo wneud hynny.

(3) Yn y Bennod hon, mae cyfeiriadau at fyfyriwr cymwys i'w trin fel pe baent yn cynnwys person sydd wedi cael cymorth ond nad yw'n fyfyriwr cymwys neu nad yw'n fyfyriwr cymwys mwyach.

#### Gwybodaeth Cychwyn

**I8** Rhl. 89 mewn grym ar 12.3.2018, gweler [rhl. 1\(2\)](#)

#### Adennill grantiau sydd wedi cael eu gordalu

**90.**—(1) Rhaid i Weinidogion Cymru adennill unrhyw ordaliad o grant oni bai eu bod yn meddwl nad yw'n briodol gwneud hynny.

(2) Mae taliad o grant sydd wedi ei wneud cyn y diwrnod y mae'r cwrs yn dechrau arno mewn cysylltiad â'r flwyddyn academiaidd o dan sylw yn ordaliad os yw'r myfyriwr cymwys yn tynnu'n ôl o'r cwrs cyn y diwrnod hwnnw.

(3) Mae taliad o grant myfyriwr anabl yn ordaliad os yw'r naill neu'r llall o'r achosion a ganlyn yn gymwys—

#### *Achos 1*

Mae swm o'r grant wedi cael ei dalu at ddiben cynorthwyo gyda gwariant ar eitemau mawr o offer arbenigol ond nid yw'r offer wedi eu danfon at y myfyriwr cymwys cyn i gyfnod cymhwysra'r myfyriwr ddod i ben neu gael ei derfynu.

#### *Achos 2*

Mae swm o'r grant at ddiben cynorthwyo gyda gwariant ar eitemau mawr o offer arbenigol yn cael ei dalu ar ôl i gyfnod cymhwysra'r myfyriwr cymwys ddod i ben neu gael ei derfynu.

(4) Caniateir adennill gordaliad o grant drwy ddidynnu'r gordaliad o unrhyw grant sy'n daladwy i'r myfyriwr cymwys o bryd i'w gilydd o dan y Rheoliadau hyn neu unrhyw reoliadau eraill a wneir gan Weinidogion Cymru o dan adran 22 o Ddeddf 1998.

(5) Pan—

- (a) bo gordaliad o grant myfyriwr anabl, a
- (b) bo unrhyw swm o'r grant wedi ei dalu at ddiben cynorthwyo gyda gwariant ar eitemau mawr o offer arbenigol,

caiff Gweinidogion Cymru dderbyn offer arbenigol yn ôl fel modd i adennill y cyfan neu ran o'r gordaliad.

(6) Nid yw paragraffau (4) a (5) yn rhwystro Gweinidogion Cymru rhag adennill gordaliad drwy unrhyw ddull arall sydd ar gael iddynt.

#### **Gwybodaeth Cychwyn**

**I9** Rhl. 90 mewn grym ar 12.3.2018, gweler [rhl. 1\(2\)](#)

#### **Adennill benthyciadau cynhaliath sydd wedi cael eu gordalu**

[<sup>F3</sup>91. Pan fo benthyciad cynhaliath wedi cael ei ordalu caiff Gweinidogion Cymru adennill y gordaliad—

- (a) drwy ddidynnu'r gordaliad o unrhyw fenthyciad cynhaliath sy'n daladwy i'r myfyriwr cymwys o bryd i'w gilydd o dan y Rheoliadau hyn neu unrhyw reoliadau eraill a wneir gan Weinidogion Cymru o dan adran 22 o Ddeddf 1998;
- (b) drwy ei gwneud yn ofynnol i'r myfyriwr cymwys ad-dalu'r gordaliad yn unol â rheoliadau a wneir o dan adran 22 o Ddeddf 1998;
- (c) drwy unrhyw ddull arall sydd ar gael iddynt.]

#### **Diwygiadau Testunol**

**F3** [Rhl. 91](#) wedi ei annewid (gyda chais yn unol â rhl. 1(2) o'r O.S. diwygio) gan [Rheoliadau Addysg \(Cymorth i Fyfyrrwyr\) \(Diwygiadau Amrywiol\) \(Cymru\) \(Rhif 2\) 2020 \(O.S. 2020/708\)](#), [rhl. 10](#)

#### **Gwybodaeth Cychwyn**

**I10** Rhl. 91 mewn grym ar 12.3.2018, gweler [rhl. 1\(2\)](#)

**Statws**

Golwg cyfnod mewn amser fel yr oedd ar 24/07/2022.

**Newidiadau i ddeddfwriaeth:**

Mae newidiadau yn dal heb eu gwneud i Rheoliadau Addysg (Cymorth i Fyfyrrwyr) (Cymru) 2018. Mae unrhyw newidiadau sydd wedi cael eu gwneud yn barod gan y tîm yn ymddangos yn y cynnwys a chyfeirir atynt gydag anodiadau.